

Gobernador Alfondo Boekhoudt invitado na celebracion 15 año Cas Marie

Cas Marie, e centro di encuentro na Savaneta pa persona cu demencia y nan famia, dialuna di 13 di september a celebra nan di 15 aniversario. Gobernador di Aruba, Alfonso Boekhoudt, tabata presente como invitado n'e celebracion.

Na su yegada, Directora di Cas Marie, señora Lisette Does a ricibi Gobernador Boekhoudt. Sr. Boy Escalona, un di e fundadornan, a combersa cu Gobernador splicando tocante e origen di Cas Marie y e desaroyo di e fundacion e ultimo 15 añanan.

Despues di e combersacion señora Does a duna Gobernador un recorrido dor di e compleho.

Finalmente Gobernador a presencia un parti di e celebracion chikito tumando lugar na Cas Marie. Fundacion Cas Marie ta brinda diferente servicio cu e meta pa mehora e calidad di bida di personanan cu demencia y nan famia:

- Servicio di pasadia,
- servicio di informacion,
- servicio di sosten y guia na famia of individual,
- servicio di test Neuro-psychologico riba peticion di especialista.



(Potret: © Kabinet Gouverneur Aruba)

Pa mas informacion por mira
www.casmarie.com.



**INVEST
SECURE**



We don't just say it ... We Guarantee it !!!

You can focus on your business
 If you leave your security protection up to us.
 Call 582-7252 for a free presentation.
 Email: insec@setarnet.aw





Mientras cu IMF lo a elogia maneho economico Formado ta entrega Ministerio Economico na di RAIZ

Recientemente dia 7 di maart 2021, e actual Presidente di Parlamento, Edgard Vrolijk, a emiti un comunicado di prensa den cual e ta muestra riba un raport di IMF, cual documento ta confirma e bon gobernacion di gabinete Evelyn Wever Croes.

A elogia maneho economico hiba pa principalmente e Minister di Asunto Economico, esta Xiomara Maduro, kende su decisionnan na momento di pandemia, a percura cu Aruba drenta un bon periodo di recuperacion.

Segun palabranan di e tempo ey Parlamentario Vrolijk: “IMF ta enfatisa cu e accionnan cu Gabinete Evelyn Wever-Croes a implementa a percura cu awe nos por papia di recuperacion y cu a percura p’e pais aki no ser destrui. IMF ta menciona e implementacion di FASE p’esnan cu a perde trabao, subsidio di salario na trahadornan pa yuda mantene nan trabao, ayudo financiero na empresanan chikito y mediano, sosten financiero na AZV y na SVB.

Banda di esaki a menciona e reforma fiscal cu a ser implementa cu incentivanan p’e empresanan chikito, pero tambe reduccion di Loonbelasting cu a yuda den e recuperacion. Y sigur e ayudo fiscal hunto cu maneho monetario di Banco Central a percura pa contene cu companianan lo a bati bancarota na gran cantidad y tambe a percura pa contene e cifra di desempleo na Aruba.”

E propio Minister demisionario Xiomara Maduro tambe dia 4 di mei di 2021, a confirma cu e ultimo raport di IMF, a confirma cu gabinete Wever Croes a hiba un maneho financiero y economico responsabel.

Segun Minister Maduro den un comunicado di prensa na luna di mei ultimo a muestra cu “den su raport, IMF ta verifica cu e maneho financiero y economico di Gobierno tabata bay den bon direccion. E caminda cu Gabinete Wever-Croes a scoge pa baha debe y traha riba diversificacion di economia tabata uno prudente y corecto.

A haci un trabou grandi pa baha un deficit cu a yega te na 444 miyon na aña 2012 na un surplus di 46 miyon florin na aña 2020 prome cu Covid-19 a bati na porta di Aruba.”



DECISION STRAÑO

Sin embargo awor por a ripara cu apesar di tur e bon trabou haci pa Minister Xiomara Maduro, no ta conta mas y no tin balor ya cu sorpresivamente formado a dicidi cu e cartera di economia tin cu bay pa Geoffrey Wever como Minister di RAIZ den e gabinete nobo.

Pues e maneho cu tanto IMF a elogia den su raport, lo no tin continuacion y e ta crea e impresion cu tog e maneho economico no tabata di asina importancia ya cu den forma sorpresivo a trece cambio den maneho di e desaroyo economico cu a wordo asina bon hinca den otro segun IMF, pa Minister Xiomara Maduro y gabinete Wever Croes. Y te mesun Evelyn Wever-Croes ta papia di continuacion den gobernacion y ta haci tog diferente.

Recuperacion economico ta di vital importancia sigur despues di e pandemia di Covid-19, pero awor ta pone maneho di e vision aki den man di un Minister cu tin apenas algun luna como politico y awor ainda e tin cu bay conoce kico su trabou mester ta y kico e tin cu bay haci pa lanta un economia cu a pasa den momentonan dificil for di 2020 y awor den 2021.

No ta muestra di confiansa cu IMF lo a pone den su reconocimiento p’e trabou di Xiomara Maduro pa loke t’e desaroyo economico di Aruba.

Presidente di Parlamento Edgard Vrolijk a confirma cambio drastico den Parlamento

Seriedad y respet lo wordo impone

Ayera mainta a tuma lugar un reunion publico relaciona cu seramento di Aña Parlamentario cual reunion a dura mas cu loke a spera cu e lo a dura ya cu varios miembro di Parlamento, a hiba palabra. Sinembargo loke mas a hala atencion durante di e reunion aki, tabata e rol di Presidente di Parlamento nobo, Edgare Vrolijk, kende desde cu el a wordo eligi den e posicion aki dos luna pasa, a duna indicacion cu e kier cosnan cambia den Parlamento.

For di reunionnan algun siman atras, Presidente Vrolijk a mostra cu miembronan di Parlamento cu kier dirigi palabra durante di un reunion, tin cu ta na ora den sala pa yena e asina yama “sprekerslijst”, ya cu su persona lo no tolera cu Palamentarionan ta cana kibra ki ora cu ta y tog haya oportunidad pa dirigi palabra.

Pues tabata un indicacion inicial di un Presidente cu a duna e impresion cu e kier mira mas seriedad durante di reunionnan den Parlamento y ayera mainta un biaha mas Edgard Vrolijk a confirma cu realmente e kier cambio den e sala.

Durante intervencion cu el a haci ayera mainta durante di e reunion publico, Presidente Vrolijk a dicidi di hasta coregi miembronan di su propio fraccion di MEP, caminda el a atende cu nan riba nan forma di actua y nan comportacion.

Edgard Vrolijk no a haci esaki solamente pa miembronan di e fraccionnan cu ta sostiene proximo Gobierno, pero tambe p’e fraccionnan di oposicion y algo cu sin duda a acapara atencion positivo di hopi hende, t’e hecho cu e Presidente nobo di Parlamento kier stop por completo, tiramento di palabra di un banda pa otro manera pa hopi aña a bin ta pasando.

Segun e Presidente, e momento a yega pa cosnan cambia y sin duda ta di spera cu e lo sigui cu e vision aki cu e tin sigur mirando e trabou grandi y inmenso cu Parlamento di Aruba ta bay tin den añanan dilanti.

Cu henter e situacion cu Hulanda, e forma con Gobierno Hulandes a impone den cierto sentido COHO riba e pais, ta di vital importancia e trabou legislativo cu Parlamento tin cu bay atende awor pa contrario na Gobierno, lanta para pa derechonan constitucional di pais Aruba, wordo respeta manera mester ta.



Kisas Presidente Edgard Vrolijk lo por t’esun yama pa inicia e cambio aki, caminda un biaha mas representantenan di pueblo, manera Palamentarionan realmente ta para p’e, t’esnan cu ta hiba un control riba maneho di Gobierno y kibra e barera di ultimo añanan, caminda ta Gobierno a controlando kico ta pasa den Parlamento.

Un di e tareanan mas grandi di e constelacion nobo di Parlamento, ta pa move tur posibilidad pa mira con lo sali na vanguardia di pueblo den e forma con COHO tin cu funciona aki na Aruba y kico e rol di Gobierno di Reino den esaki.

Parlamento di Aruba hamas por acepta nunca mas, cu Gobierno cu nan tin cu controla, ta tuma decisionnan sin consulta of haya sosten di Parlamento riba esakinan prome anto pa despues ora cu nan firma tur cos caba, nan bin Parlamento pa haya sosten pa algo cu ya nan a acorda caba.

E estilo presenta pa Presidente Edgard Vrolijk ayera mainta, ta duna un tiki speranza cu cosnan lo cambia pa loke ta funcionamiento di Parlamento di e pais, caminda e rol importante como consejo legislativo, realmente ta haya su contenido y su respet di Gobiernonan den Reino.

Ta for di tempo cu Vrolijk tabata den Parlamento, formando parti di fraccion di MEP, el a bin ta traha riba cambionan di Reglamentonan di Ordo di Parlamento y manera el a duna di conoce ayera, cu ora trata e cambionan aki, cu e lo haya e sosten desea for di henter Parlamento tambe.

Parlamentario Gerlien Croes (AVP)

No por anuncia kende ta bira Presidente di Parlamento anto despues vota pa eligi un Presidente

Ayera mainta durante reunion publico caminda e eligi Presidente di Parlamento p'e proximo Aña Parlamentario, e miembro di fraccion di AVP, Gerlien Croes durante di su disertacion a mostra cu mientras cu ta un momento sumamente importante manera esaki.

Sinembargo na mes momento e Parlamentario di AVP a mostra cu tabata un momento importante pa muestra comunidad cu nos ta bibando den un momento cu por wordo cataloga practicamente como un dictadura.

Gerlien Croes a sigui muestra cu nan a keda sorprendi p'e hecho cu den declaracionnan di siman pasa, caminda a wordo muestra cu escogencianan di kende ta bira Presidente di Parlamento, cu ya esaki a wordo haci caba riba kende lo presidi e Parlamento pa proximo añanan.

El a sigui muestra cu durante di e reunion di ayera mainta, por a scucha varios discurso, algun hopi inspirativo y varios deseo a wordo treci dilanti.

Sinembargo segun Parlamentario Gerlien Croes, e deseo pa respet p'e Constitucion di Aruba, e respet pa Parlamentarionan y e respet p'e organo aki, cu t'esun mas halto di e pais aki, tin cu keda wordo manteni.

Pero el a sigui muestra mesora cu ta inaceptabel p'e forma con ayera mainta por a constata cu esnan cu ta sinta na otro banda cu ta sostiene e proximo Gobierno, algun di nan cu ta traha pabou di edificio di Parlamento, ta pensa cu nan por dicta for di tempran caba, con Parlamento tin cu funciona den añanan benidero.

Gerlien a sigui muestra cu e señal tabata hopi cla for di fraccionnan den oposicion, cu ta inaceptabel cu Aruba, lo por acepta cu n'e forma aki Parlamento tin cu traha.

El a sigui muestra cu miembronan di Parlamento a haya un copia di tur e trabounan cu a wordo haci den e ultimo Aña Parlamentario 2020 – 2021 di cual su persona no a forma parti di dje, cu excepcion di ultimo simannan.

Sinembargo ora cu Gerlien a wak e lista di e cantidad di 'ontwerp landsverordening' cu a wordo trata of cu lo wordo trata, el a constata cu Parlamento di Aruba por mucho mas mihor cu solamente 17, di locual 6 pa 7 ontwerp cu a yega cerca e constelacion nobo di Parlamento cu a huramenta.



Pues den un año largo, solamente 17 concepto nobo a yega Parlamento y tambe Gerlien Croes a muestra riba e cantidad di pregunta cu Parlamentarionan di AVP a haci den ultimo año, por mira cu ta un total di 976 pregunta haci na Gobierno, caminda solamente 477 so Gobierno a contesta cu ta 50% so di e total di preguntanan cu a wordo haci na Gobierno.

Esey sin duda p'e Parlamentario di fraccion di AVP, ta un señal bon cla cu esaki no por ta aceptabel p'e pais sigui funciona den e forma aki.

A papia bunita tambe di leynan di integridad y ley di screening, pero Gerlien a mostra cu for di momento cu e ley a yega den su man y el a ripara y realisa kico ta rekeri pa un persona pasa e screening aki, incluso cu mester haci un investigacion di 'bloedverwante' te cu derde graad, esey ta nifica cu tin cu investiga welo y bisawelo, pareha of casa, ta lanta e pregunta si Parlamento lo bay di acuerdo pa pasa e ley aki den forma retroactivo y screen e personanan cu a caba di wordo gescreeen pa bira Minister.

99,093 pasahero a biaha for di Aruba na Augustus 2021

88% di e cantidad di pasaheronan cu a biaha for di Aruba na augustus 2019 a wordo recupera

Aruba Airport Authority N.V. (AAA) ta raporta riba e prestacion di AUA Airport den augustus 2021; un otro luna di recuperashon fuerte compara cu e mesun periodo na 2019.

Na augustus 2021, AUA Airport a procesa 99,093 pasahero cu a biaha for di Aruba. Esaki tabata 9% menos compara cu e luna anterior.

Durante e ultimo luna AUA Airport a recupera 88% di e cantidad di pasaheronan cu a biaha for di Aruba den e mesun luna na 2019. Na augustus 2021 80,571 pasahero a biaha pa Merca, 9,302 pasahero a biaha pa Europa, 3,387 pasahero a biaha pa Antiyas Hulandes, y 5,833 pasahero a biaha pa Latino America.

Un averahe di e Passenger Load Factor (PLF) na salida (cantidad di asiento ocupa en comparacion cu e cantidad total di asiento dispobibel abordo di un avion na momento di sali for di AUA Airport) p'e mercado Mericano di 87% a keda raporta den augustus 2021, mientras cu e averahe di PLF pa tur mercado tabata 86% durante e mesun temporada (comparando cu 2019 unda e PLF averahe pa tur mercado tabata 85%).

Durante e ultimo luna, AUA Airport a procesa un averahe di 29 buelo pa dia, esaki ta menos compata cu e averahe di 35 buelo pa dia durante e mesun temporada den 2019. Den e mesun temporada na 2020 AUA Airport a procesa solamente 218 buelo, mientras cu e frontera a habri na juli 2020 pa tur operacion comercial.



PANADERIA DEL PUEBLO
Baked with Love

Fresco Tur Dia

HABRI TUR DIA DI 6:00AM-6:00PM

YAMA NOS: 5821915

Guyabastraat #4
Dakota

Evelyn Wever Croes tin deseo pa Parlamento nobo

Dialuna mainta, durante e reunion publico den Parlamento riba e clausura di Aña Parlamentario 2020-2021, Prome Minister demisionario Evelyn Wever-Croes a hiba palabranan di motivacion deseando tur Parlamentario hopi exito den e Aña Parlamentario 2021-2022.

Prome Minister a comparti 3 deseo cu e tin p’e Parlamento nobo. Ya caba e fundeshi a wordo poni den e Parlamento den e aña 2020-2021 y Evelyn Wever Croes a expresa su deseo p’esey continua den e Aña Parlamentario nobo.

INDEPENDISACION DI NOS PARLAMENTO

E prome deseo ta un Parlamento fuerte. Pa finalisa cu e plan di independisacion di nos Parlamento den e Aña Parlamentario nobo nos dilanti n’e modelo cu Parlamento ta scoge p’e, pero un Parlamento fuerte cu por bringa cabes na retonan cu Aruba ta enfrentando. Esfuersonan a wordo haci pa logra independisa Parlamento y e deseo ta pa pronto esaki por wordo realisa.

CRISTALISA OMBUDSMAN

E di dos deseo ta di mira e Ombudsman cristalisa. A cuminsa cu esaki, pero lamentablemente pa algun diferencia di opinion no por a keda cla cu esaki. Prome Minister ta expresa su confiansa cu e Parlamento aki, cu a demostra cu t’esun cu a bin cu e iniciativa pa bin cu un Ombudsman, unanimamente lo acepta e ley di Ombudsman. Aworaki ta n’e momento crucial di demostra cu nos ta kere den un Ombudsman, anca den constitucion.

“Ohalo cu nos por pone nos diferencianan un banda y logra cu esaki por pasa y asina duna pueblo loke pueblo ta pidi di e Parlamento aki, esta p’e Ombudsman por ta anca den nos constitucion y p’e por funciona como Defensor di Pueblo”.

MANTENE REGLANAN DI INTEGRIDAD NA HALTO

E di tres deseo grandi ta pa Parlamento aki mantene e reglanan di integridad asina na halto. A papia hopi di dje, tin un ley di integridad cu ta den tratamiento y ohala cu hopi tempran den e Aña Parlamentario nobo, e ley aki por pasa pasobra pueblo kier esaki. Pueblo ta pidi pa tin regla p’asina por atene su gobernantenan y Parlamentarionan na nan.



“Si e ley aki pasa, tur Parlamentario cu ta bou di investigaion actualmente lo tin cu bandona nan cargo n’e momentonan aki anto e ora ey porfin por hala rosea akiden y bisa cu e Parlamento berdad ta para pa reglanan di integridad”.

Prome Minister a termina deseando cada Parlamentario exito den e Aña Parlamentario 2021-2022 y cu e 3 deseonan aki biba tambe den curason di cada Parlamentario p’asina nos pueblo por conta cu un Parlamento cu ta digno di confiansa di un y tur.

Homber deteni despues di a menasa hende cu arma di candela



Diadomingo algo prome cu 8'or di anochi, presencia di Polis a wordo pidi cu urgencia dilanti ex Panaderia Moderna den Avenida Alo Tromp, pa un caso di hit and run y menasa cu arma di candela.

Na yegada nan a bin compronde cu chauffeur di un Kia Rio color blauw lo a bay reverse y a dal contra un Mitsubishi Lancer preto.

Ora cu e chauffeur di e Lancer a bay papia cu ne, e chauffeur di e Rio lo a saca arma y a menasa e chauffeur di e Mitsubishi Lancer. Despues cu e chauffeur di e Kia Rio a menasa e chauffeur di Mitsubishi Lancer cu e lo los tiro riba dje, e chauffeur di e Kia Rio baha na awa.

Ora Polis a yega n'e sitio e chauffeur di e Kia Rio ya no tabata n'e sitio mas. E agentenan a tuma tur dato y mirando cu e chauffeur tabatin un arma di candela riba dje, mesora a cuminsa cu un buskeda pa su persona.

No a dura mucho cu Polis a bin topa cu ne riba caminda banda di Belgiestraat. Mesora a cuminsa un persecusion y na altura di e T-kruising di Pos Abou, Polis a logra par'e. Varios unidad policial a yega n'e sitio y mesora nan a saca e chauffeur for di auto y a pone riba vloer.



Johnson
notary services

PUBLIC AUCTION

THURSDAY October 21, 2021

On Thursday October 21st, 2021 at 11am, at the Conference Room of the Chamber of Commerce, Aruba, will be auctioned in public pursuant to art. 3:268 and 3:254 Civil Code of Aruba:

A commercial pre-fab steel building, locally known as

BARCADERA 160

a right of long lease until October 11, 2066, on a parcel in total 2.586 m2 in size, situated at Barcadera in Aruba, recorded in the Title Registry of Aruba as First Division Section T number 2077.

Starting bid: Afl. 1.515.000,--

A residential house, locally known as

MABON 16-D

situated on a property land of approximately 759 m2 in size, situated at Mabon in Aruba, recorded in the Title Registry of Aruba as 5-R-1824/1943, index number D95240

Starting bid: Afl. 185.000,--

A residential house, locally known as

ROOI KOOCHI 42-C

a right of long lease until January 23, 2039, on a parcel in total 439 m2 in size, situated at Rooi Koochi in Aruba, recorded in the Title Registry of Aruba as Fourth Division Section E number 1066.

Starting bid: Afl. 842.000,--

A residential house, locally known as

MABON 18

situated on a property land, in total 535 m2 in size, situated at Mabon in Aruba, recorded in the Title Registry of Aruba as 5-M-12/1977

Starting bid: Afl. 225.000,--

AUCTION NOTARY: Th.R. JOHNSON

- The auction is subject to the general conditions for foreclosure auctions and special auction conditions which will be determined by civil law notary Th.R. Johnson.
- Seller has the right to not accept any bid, at its sole discretion.
- The auction may be stopped or postponed at any time.
- Each bidder must submit a bank guarantee and/or letter of credit issued by a bank in Aruba to the amount of the highest bid increased with an amount equal to the auction costs.
- A signed and dated private bid can be submitted until February 25th, 2021, 5 PM. A bidding form can be downloaded on our website.

For more information:

WWW.JOHNSONNOTARY.COM

BEST GRANT pa organisacionnan den Media

Bo ta un periodista freelance of ta traha como periodista den un organisacion di media y tin pasion pa nos naturalesa? Oficina pa Relacionnan di Union Europeo y di Reino kier a invita tur periodista cu tin gana di expande nan horizonte y coopera 'riba nivel internacional pa tuma nota di e siguiente subsidio di Union Europeo p'e iniciativa BEST.

BEST – un iniciativa pa biodiversidad y servicio di ecosistema den e teritorionan ultramar di Europa – tin como obhetivo pa apoya e conservacion di biodiversidad y e uzo sostenible di servicionan di e ecosistemanan, incluyendo enfokenan basa riba adaptacion y mitigacion di cambio climatico di ecosistemanan den e regionnan ultraperiferico (UPG) di y e paisnan y teritorionan ultramar (LGO) di Union Europeo.

Como mecanismo financiero BEST ta duna sosten na actividadnan 'riba tereno di biodiversidad cu e meta final pa aumenta visibilidad di e teritorionan aki como contribuyentenan clave pa logra obhetivonan di biodiversidad 'riba nivel internacional y di Union Europeo.

E Secretariado di e fondo di subsidio BEST a lansa un Programa di subsidio pa media den LGO-nan, un plan cu ta subsidia un cantidad maximo di 10.000 EUR na periodistanan individual (feelancers), un consorcio di periodista individual, y periodistanan laborando den organisacionnan. Esaki pa por garantisar cu informacion relaciona cu conservacion di biodiversidad den media local y regional den algun di e teritorionan ultramar ta di calidad, sosteni y basa 'riba hechonan.

E meta di e subsidio aki ta pa duna y stimula cobertura di e proyectonan impactante financia p'e fondo BEST cu ta trata iniciativanan di interesandonan local como tambe iniciativanan di conservacion di biodiversidad den LGO-nan.

Interesadonan cu ta desea pa entrega un peticion por manda nan preguntanan no mas laat cu 11 october 2021 pa 23:59 CET (18.00 ora local) na BESTmediagrants@iucn.org.

E solicitud di propuesta final ta sera 25 october 2021 pa 23:59 CET (18.00 ora local).

Tur detaye y document relavante ta disponibel riba e website di e organisacion IUCN.

Pa mas informacion por tuma contact tambe cu Oficina pa relacionnan di Union Europeo y di Reino na info@arubagovernment.eu of por bishita nos website www.eurohousearuba.org

BEST grants for media organizations

Call for Projects



INTERUPCION DI CORIENTE

En conexion cu trabaonan necesario, coriente lo wordo interumpi:

Diahuebs, 16 di september 2021
8:00 a.m. te cu 3:00 p.m.

Den vecindario di:

- Bloemond (un parti)
- Paradera (un parti)

Elmar ta pidi disculpa pa e inconveniencia cu e interupcion di coriente aki por causa.



ELMAR

Danki Pa E Comprension

John Every a bay sosega

Un Arubiano cu a comberti petroleo den carbon

Den fin di siman a anuncia fayecimento di John Every na edad di 81 aña. E tabata un cara conoci den e industria di petroleo, cu a sa di hiba su conocimiento y experiencia na varios parti di mundo y pa varios compania.

Na Aruba e tabata un di e Arubianonan cu e puestonan di mas halto den e refineria. Na momento cu LAGO a sera, mundo no a caba p'e y a cambia su enfoke di petroleo pa carbon y a bolbe cosecha mes of mas exito compara cu su añanan den e refineria.


John Every a lucha p'e ultimo tres añanan cu su salud, pero cu finalmente a opta pa stop e bataya. El a bay laga atras su señora Rita y su yiunan Carmen-Louise, John-Henry y Jo-Ann. Tambe a bay laga atras su 4 nieto- y 4 nietanan cu e ta stima masha tanto. Remarcabel ta cu dia 15 di augustus ultimo, e feliz pareha di John y Rita a celebra nan 58 aña di bida matrimonial.


Ken ta John Every

John Roland Every a nace dia 30 di mei 1940 na Eagle Colony. E ta yiu di John Clarence y Carmen Paulina. El a gradua na St. Dominicus College na Playa na 1956 na nivel MULO y a sigui pa Hulanda p'ey logra su diploma na nivel HBS na Canisuis College na Nijmegen na aña 1959. Djey a sigui pa logra bira ingeniero kimico na Technological University na Eindhoven na aña 1962.

Su carera a start na cas

Bek na Aruba, John Every a cuminsa traha na Aruba Chemical Industries, unda el a crece te bira Senior Process Supervisor II den e departamento di produccion asigna n'e planta di Ammonia. Na aña 1970 el a start su carera na LAGO na Aruba, despues di a termina un trabou di ocho luna largo na Cartagena, na Colombia, como e "Plant Superintendent" na Amoniaco del Caribe, n'e International Petroleum Company.





Su carrera impresionante na LAGO

El a cuminsa como Senior Engineer in Process-Fuels y despues a dun'e e proyecto di "pre-startup" di e "Hydrogen Plants" y a wordo promovi na tres diferente ocasion. El a bira "Process Foreman" na aña 1971, despues "Division Superintendent - HDS" na aña 1972 y na final como "Division Superintendent - Oil Movements and Shipping" na aña 1975.

Di Aruba pa Hulanda

Entre aña 1978 y 1980, John Every a hiba su casa Rita y su yiunan Carmen-Louise, John-Henry y Jo-Ann na Hulanda, unda el a ocupa e funcion di "Senior Analyst Esso Benelux" na Breda. Tabata un orguyo pa tende con a busca un Arubiano te for di Aruba pa ocupa un puesto asina importante pa EXXON te na Europa.

Su ultimo añanan cu LAGO

Ora a regresa Aruba na aña 1980, el a bin ocupa e puesto di "Division Head Crude & Products Coordination" na LAGO. Pero, no a keda te ey y a sigui crece den e refineria y consecuentemente a ocupa e puesto di "Manager Technical Department" entre 1981 y 1983.

Na aña 1985, net prome cu Lago Oil & Transport Company a sera, John Every tabata "Manager Operations Programming, Shipping & Marketing". Orguyosamente por menciona cu e tabata instrumental den sera un contract pa produccion di awa pa Aruba cu Dominica.

Di petroleo pa carbon

Na aña 1985, ora cu Lago Oil & Transport Company a sera su portanan, mesora el a wordo acerca pa Eduardo de Veer p'e bira "Vice President Logistics" di MetaCorp, pa nan compania Inter-American Coal Holding N.V.

Ey John Every a sigui crece y na 1988 el a bira accionista di MetaCorp. Inter-American Coal Holding N.V. tabatin nan oficina, e tempo aya, n'e di dos piso riba Wendy's Boulevard, dilanti oficina di Douane na Playa. Nan tabata opera for di Latino America pa mundo.

Nan tabata cumpra carbon na Colombia, y transporta cu truck riba un trayecto di 400 kilometer largo, te na Lago di Maracaibo unda ta almacena e carbon.



Ora e bira hopi, ta haci uzo di barge pa transporta no menos di 60 mil ton di carbon for di den waf p'e barconan cu no por a mara na waf, pa nan por transporta e carbon pa Merca y Europa.

E negoshi a cuminsa chikito, pero na dado momento a haya consecion pa explota un mina na estado Zulia na Venezuela. Esey a haci cu tabata dispone di hopi mas carbon y e negoshi cu a start cu 60 mil ton a surpasa 3 miyon ton di carbon pa aña. E tempo ey a uni cu e companianan Chevron y Evans Energy pa yuda explota e minanan di carbon.

Su ultimo añanan cu MetaCorp

Na 2008 a opta pa bende e compania di carbon y John Every a pasa pa bira consultant pa algun proyecto specifico cu MetaCorp, te na aña 2009, ora el a dicidi di baha cu pensioen. Asina mes, siendo un bon amigo personal di Eduardo de Veer, el a keda den Hunta di Comisario di MetaCorp te na aña 2018.

Ta bon pa menciona cu, como cu e operacion di Inter-American Coal tabata mas tanto na Colombia, Venezuela, Merca y Europa, cu poco hende na Aruba tabata consciente di e exito di e compania.

John Every a sa di hinka hopi tempo, esfuerzo y dedicacion den e proyecto y haci'e asina exitoso cu na dado momento a bira un di e exportadornan di carbon mas importante pa Merca y Europa for di e region aki.



Bucuti & Tara y Aruba ta gana Travel + Leisure 2021 World's Best Awards como Top den Caribe y mundo

Globalmente hendenan a cuminsa biaha atrobe y e miembronan di e prestigioso Travel + Leisure a declara Bucuti & Tara Beach Resort como un di e mihor experiencianan di biahe den Caribe. Anuncia 8 di september, Bucuti & Tara a sali riba e lista di Travel + Leisure's 2021 Top 25 Resort Hotels in the Caribbean, Bermuda, and the Bahamas.

Bucuti & Tara t'e unico hotel na Aruba cu a ricibi e honor aki. Nos propio Aruba tambe a wordo nombra como e No. 3 riba e lista di The Top 25 Islands in the Caribbean, Bermuda, and the Bahamas y No. 18 den The Top 25 Islands in the World.

E premionan anual di World's Best Awards ta celebra e mihor islanan, hotelnan y aerolineanan y ta wordo nombra dor di e lesadornan di Travel + Leisure.

E participantenan por a vota na comienso di aña y nan por a vota p'e lugarnan cu nan a bishita den e ultimo 3 aña, tanto como prome cu e pandemia como durante.

Travel + Leisure a reconoce e efectonan drastico cu Covid-19 tabatin riba e industria di biahe, y a agradeci su miembronan pa a cuminsa biaha atrobe, mientras animando otronan pa cuminsa explora mundo atrobe. E medio a comparti "un excelente hotel ainda por pone un sonrisa riba bo cara, vooral ora tur cos rond dibo ta sinti caotico."

E ganadornan den Caribe a wordo nomina dor di votadornan pa nan prioridad pa privacidad y dunando fabor na hotelnan mas chikito, cu hopi espacio of completamente aisla.

Bucuti & Tara semper a ofrece su huespednan hopi espacio, privacidad y trankilidad como un adults-only resort.

E pandemia a crea un oportunidad p'e resort eleva su concepto di social distance dor di ofrece hopi espacio liber den un ambiente sumamente romantico. E protocolnan hi-tech y grado hospitalario contra Covid-19, a wordo alaba dor di e resort su huespednan pa a duna nan e oportunidad pa pasa un vakantie trankilo y memorabel.

"Nos ta sinti honra y agradecido un biaha mas n'e Travel + Leisure magazine y na tur e votadornan cu a selecciona Bucuti & Tara como ganador di 2021 World's Best Award," Ewald Biemans, doño/CEO di Bucuti & Tara Beach Resort ta conta.

"E vakantie di mas saludabel, seguro y romantico ta wordo haya 'kinan na Bucuti & Tara y na nos dushi isla natal y ganador di Travel + Leisure winner, Aruba!"

Travel + Leisure's World's Best Awards por wordo mira den nan revista di october.

E ultimo noticianan

E premionan di Travel + Leisure ta forma parti di un serie di premio duna na Bucuti & Tara durante e ultimo aña. Na principio di zomer, Tripadvisor a nombra Elements (e restaurant di e resort) como No. 2 Top Places for Date Night na Mundo. Wine Spectator, e autoridad di mas grandi di biña na mundo, tambe a honra Elements p'e di tres aña consecutivo cu su Award of Excellence.

Bucuti, awor conoci como e Experiencia di Biahe di Mas Seguro y Saludabel danki na su protocolnan di seguridad hospitalario contra Covid 19 y Aruba su Health & Happiness Code seal, tin 104 guestrooms, suites and penthouses. E ta ofrece sunloungers y sombra pa cada huesped; infinity pool di awa fresco; spa; WiFi; y un iPad cu Skype complimentary pa uzo diario. Cuminda saludabel y premia por wordo disfruta na Elements (dilanti lama), Tara Lounge of cu private beach dining. Reserva exclusivamente pa su huespednan, e recientemente renoba SandBar ta ofrece cocktails di calidad halto y live-music hunto cu Caribe su prome Healthy Hour.

E resort ta TAG Approved® como un LGBTQ-friendly hotel. Bucuti, un leader mundial pa turismo sostenibel, tin e proximo eco-certificacionnan: LEED Gold, Green Globe Platinum y Travelife Gold y a wordo nombra e Resort di Mas Sostenibel na Mundo na 2016 door di Green Globe.



Juffrouw Glynda cumpliando 25 año den servicio na YMCA

For di aña 1996 juffrouw Glynda Haynes ta dedica su mes na duna bek na nos muchanan y comunidad en general, semper cu energia positivo.

Den e famia di YMCA, juffrouw Glynda ta bisti diferente pechi, sea cu e ta yuda e muchanan cu nan huiswerk of ta yuda cushina e cuminda di merdia. Riba tur cos, juffrouw Glynda semper tey pa duna un man unda cu tin mester y por acerc'e si mester di un bon conseho.

Di parti di Board, staff y boluntarionan di YMCA, nos kier bisa juffrouw Glynda masha danki pa tur e añanan dedica na nos organizacion.

Bo dedicacion y pasion p'e trabou ta hacibo un gran ehempel pa nos tur. Masha pabien juffrouw Glynda!



Lider di MEP sra. Evelyn Wever-Croes:

Partido MEP cu campaña pa yena formulario di Impuesto 2020

Mescos cu tur aña, Partido MEP e aña aki tambe ta brinda ayudo cu yenamento di formulario di Impuesto di Entrada 2020.

Debi na Covid e procedura e aña aki tambe lo ta diferente, al estilo 'drive thru'. Lider di MEP, sra. Evelyn Wever-Croes ta invita tur ciudadano cu tin mester e yudansa pa yena nan formulario di impuesto, pa pasa libremente riba e fechanan cu lo brinda e servicio aki na Cede di MEP na Sta. Cruz.

FECHA PA YENA FORMULARIO NA CEDE DI MEP:

Dianan diamars 21, diahuebs 23, diasabra 25, diamars 28, diahuebs 30 september y diasabra 2 october. Diamars y diahuebs, parti mainta 9:00 am pa 12:00 pm y parti atardi 6:00-9:00 pm.
Diasabra 9:00 am pa 1:00 pm.

HACI CITA:

Mescos cu aña pasa, biaha aki tambe e proceso lo bay solamente cu cita. Por haci un cita na number 5941977 y dia di e cita e persona ta entrega e formulario estilo "drive thru" y den minimo 20 minuut e formulario ta yena y duna bek den man di e persona.

E formularionan no ta keda atras na Cede di MEP, pasobra ta trata di informacion confidencial, y no por core riesgo cu nan ta perde.

Durante e cita e persona ta warda den su auto y despues e por sigui haci su diligencianan. Debi n'e procedura aki, no por atende mes hopi hende pareu, pero lo haci tur lo posibel pa atende tur hende.

DOCUMENTONAN:

Pa por yena e formulario ta importante pa bo tin comprobante di entrada anual, sea di trabou of di pensioen, tambe di SVB. Y si bo tin debe cu bo ta paga interes, mester di comprobante di e interes paga den 2020. Tambe por inclui comprobante di prima di seguro di bida paga den 2020. Finalmente si tin yiunan ta studia den exterior, mester inclui comprobante di inscripcion di e yiu n'e scol den exterior.

CONTACTO CU SOSTENEDORNAN DI MEP:

"Pa Partido MEP, ta primordial pa sigui den contacto cu e sostenedornan. Y specialmente e temporada di impuesto ta un temporada importante pa nos partido y pa nos sostenedornan. E aña aki atrobe lamentablemente nos mester tene poco distancia, pues no por duna otro man ni brasa manera nos ta custumbra, pero ta pa nos propio bienestar y di henter pueblo di Aruba. Mi kier un biaha mas recorda cada ciudadano, paga impuesto ta deber di nos tur, pero no paga dimas impuesto. Yena bo formulario y entreg'e na tempo", lider di MEP, Evelyn Wever-Croes a expresa.



Ministerio di Asuntonan Social y Labor y DAO ta splica

‘Beslag’ riba salario di empleado dor di su dunador di trabou articulo 632^a Codice Civil di Aruba

Entrante 1 di september 2021 e regulacion tocante ‘beslag’ riba e salario di empleado dor di su dunador di trabou, pa motibo cu e empleado debe placa na un tercera persona of compania, ta como lo siguiente:

A. Si un empleado tin un salario riba Afl. 50.000 bruto pa aña por pone ‘beslag’ riba su salario te cu un maximo di 33% di e salario netto.

Por ilustra e regla aki cu e siguiente ehempel:

Un empleado tin un salario di Afl. 4.500 bruto pa luna (Afl. 54.000 pa aña) cu ta cu mas o menos Afl. 4.000 netto. Por pone ‘beslag’ riba su salario netto te cu Afl. 1.320. E empleado ta keda cu Afl. 2.680 despues di ‘beslag’.

B. Si un empleado tin un salario te cu Afl. 50.000 bruto pa aña por pone ‘beslag’ riba su salario te cu un maximo di 25% di e salario netto. Sin embargo e empleado semper mester keda cu 90% di e salario minimo netto.

(E salario minimo actual ta Afl. 1.815,35 pa luna. Despues di kita e primanan di AOV/AWW y AZV etc. e empleado ta keda cu un salario netto di Afl. 1.700).

Por ilustra e regla aki cu e siguiente ehempelnan:

(Tene na cuenta cu e salarionan menciona no ta refleha e salario exacto di un empleado, pero nos ta uz’e solamente cu e meta pa ilustra con mester calcula e ‘beslag’ maximo. E compania su HR y payroll master lo mester calcula e sumanan exacto pa cada empleado y ta calcula esaki basa riba e salario anual).

Scenario 1

Un empleado ta gana salario minimo cu ta Afl. 1.815,35 bruto pa luna (Afl. 21.785 pa aña), cu ta mas o menos Afl. 1.700 netto. Por pone ‘beslag’ riba su salario te cu maximo Afl. 170 pa luna (cu ta 10% di e salario netto). Esaki kiermen cu Afl. 1.530 mester keda ‘beslagvrij’.



Scenario 2

Un empleado tin un salario bruto di Afl. 2.000 pa luna (Afl. 24.000 pa aña), cu ta mas o menos Afl. 1.800 netto. Kitando Afl. 1.530, cu ta 90% di e salario minimo netto cu semper mester keda ‘beslagvrij’, por pone ‘beslag’ riba e restante completo di Afl. 270 (Afl. 1.800 - Afl. 1.530). Esaki pasobra den e scenario aki e suma di ‘beslag’ eigenlijk lo mester ta Afl. 450 (cu ta 25% di Afl. 1.800).

P’e salarionan net riba salario minimo te cu un salario menos cu Afl. 2.040 netto pa luna no por aplica 25% completo pa ‘beslag’, sino e empleado no ta keda cu 90% di e salario minimo netto.

Scenario 3

Un empleado tin un salario bruto di Afl. 3.000 pa luna (Afl. 36.000 pa aña), cu ta mas o menos Afl. 2.700 netto. Mester kita Afl. 1.530, cu ta 90% di e salario minimo netto cu semper mester keda ‘beslagvrij’ di cual e restante ta Afl. 1.170 (Afl. 2.700 - Afl. 1.530). Den e scenario aki por pone ‘beslag’ riba e salario te cu maximo Afl. 675 (cu ta 25% di Afl. 2.700). E empleado ta keda cu Afl. 2.025 despues di ‘beslag’.

Departamento di Labor & Investigacion ta pidi tur trahador y principalmente dunadornan di trabou pa tene bon na cuenta e informacion aki. Pa pregunta por yama nos na 523-7720 of manda nos un email na: directiearbeid@aruba.gov.aw. Tambe por sigui nos riba www.daoaruba.com of riba nos pagina di Facebook: Directie Arbeid en Onderzoek.

Sint Maarten

Ehercicio Amfibio na Sint Maarten durante temporada di Orkan

Defensa ta ehersé di 13 te ku 30 di sèptèmber diferente habilidat militar na Sint Maarten. Pensa aki riba operashonnan marítimo, tal manera eksplorashon na playanan i akshonnan amfibio. E ehersisio ta un parti di un plan mas grandi pa prepará pa yudansa di emergensia durante un eventual orkan.

Militarnan mester mantené nan habilidatnan riba nivel óptimo p'asina na tur momentu esakinan por keda ampliamente implementá. Skohiendo pa Sint Maarten komo lokalidat pa ehersisio, ta pa na momentu ku eventualmente un orkan pasa den e region, por aktua ku rapides i efikasias den e region. Un gran parti di e personal ku ta duna sosten na momento ku un orkan pasa e ora ei ya ta presente den e zona, tambe vehíkulonnan i medionan di komunikashon ku ta keda usá.

Enfoke di e training

Durante e treinene enfoke ta riba operashonnan marítimo i amfibio, tal manera eksplorashon riba playanan òf emishon di puestonan di opservashon. Tambe e militarnan ta train Operashonnan di Evakuashonnan fuera di Kombate (NEO), durante kua personanan ta keda evakuá durante situashonnan di emergensia.

Pa motibu di e training unidatnan di Defensa ku ta presente den Region Karibe, ademas di duna sosten durante momentu ku un orkan pasa, tambe ta kapas pa por aktua ora esaki ta nesesario na kualke sitio na mundu riba diferente nivel dentro di e spèktrum di e violensha.

Pa por haña un mihó bista den e forma di traha di e diferente outoridatnan lokal, tambe tin ehersisionan simulá huntu ku e staf di kalamidat i sobra partnernan di siguridat, pa mantenshon di órden públiko durante situashonnan di krísis. Despliegue rápido i robusto durante Operashonnan di Asistensia Humanitario, por solamente ora bo ta train bon huntu ku outoridatnan lokal.

Ambiente kaminda trabou ta keda ehersé ku seguridat

Durante e preparashon i ehekushon di e ehersisio aki, a tene eksplísitamente kuenta ku e restriksjonnan di (biahe) ku e pandemia di COVID-19 ta trese ku n'e. Solamente personal ku un prueba bálido di bakunashon òf un tèst di PCR negativo, ta pèrmití pa partisipá na e ehersisio. Eventual medidanan adishonal ku tei òf ta bai keda imponé pa pais Sint Maarten, Defensa lo duna oido sigur na esakinan.

N'e ehersisio ta partisipá entre otro Marinirnan di e Destakamentu di Marina Sint Maarten, Eskuadron di Marina Caribe di Aruba, pero tambe e barku di transporte Zr.Ms. Pelikaan i personal di komunikashon prosedente di Kòrsou.





“Señor ta mi wardador,
mi’n tin falta di nada
Den cunucu di yerba
berde e ta ponemi sosega.
Etahibamina awa tranquil,
Pa mi bolbe haña forsa”.
Salmo: 23

**Cu inmenso tristesa pero
conforme cu boluntad di Dios,
nos ta participa fayecimento
di nos stima:**

**Sra. Maria Francisca
Lampe
“Marucha”
*29-01-1947 -
†08-09-2021**

**Na number di su:
Mayornan: vda. Libia Lampe
y+Florencio Lampe
Yiunan:Asdrubal y Ana
LilliaKrosendijk-Garcia
Gabriela y Marco Krosendijk-
Olazabal Braulio Krosendijk
Rodrigo Krosendijk
Esposo:+Pedro RamonKrosendijk
Nieto nan: Tessa, Sabrina,
Daniel, Leonardo, Alan, Rafael
Justin, Keon y Reon.**

**Gradicimento special na su
grupo y amistad nan di: Happy
Hearts**


**Acto di despedida y entierro
lo tumalugaDiaranzon 15 di
September 2021
na Aurora Funeral Home di 2or
pa 4or di atardi, despues lo tin
cremacion
den seno familiar.**

Aurora

Royal Pray


Funeral Home & Crematory

**Laga tur loke ta spera mi ta
bunita
Laga tur locual cu
mi encontra na
caminda ta bunita
Laga tur locual cu
mi laga atras keda
bunita y
Laga esakinan
termina den tur buniteza.
Cado Wever**



**Sr. Rafael Nieto Rubio
*02-12-1964 - †04-09-2021**

**Acto di entierro lo wordo
anuncia despues**



Gradicimento y Invitacion


**Pa medio di esaki famia kier a gradici
tur esnan cu na un manera of otro a
duna sosten, consuelo y forsa durante
e tempo dificil cu e fayecimento y
entiero di nos defunto stima:**

**Cresencio Jacinto Werleman
‘Kees’**

**Boso muestra di atencion ta di hopi
aprecio y un gran sosten pa nos. Un
danki na un y tur cu a WhatsApp,
Facebook, email, haci yamadanan
telefonico y a manda krans.**

**Tambe na Aurora Funeral Home pa
cu su bon servicio y atencion. Na
Cas Paraiso y ImSan, afdeling Dialyse.
Na amigo- y amiganan, bisiñanan y
conocirnan.**

**Boso muestra di atencion tabata un
gran consuelo pa nos.**



SETAR ta participa fayecimento di:

*Sra. Thelma Natividad
Giel-Martinus*

Mama di nos colega Anthony Giel,
Jr. Network & System Specialist.

Gerencia, Staf y Personal di SETAR N.V.
ta extende palabra di condolencia na
Anthony y demas famia.



We waren je al verloren, nog voordat het einde kwam.
We waren je al kwijt, voordat je dood het leven nam.
We waren je al aan het zoeken, ook al was je nog nabij.
We rouwden al, want door Alzheimer ging het leven aan je voorbij.

Cu hopi tristesa pero agradecido pa tur locual e la significa pa nos, nos ta anuncia fayecimento di nos ser stima:

Edgar Francisco Clemencia
Cariñosamente yama
“Sloppy” di Sloppy Joe
Sandwich Center
***21-08-1935 - †07-09-2021**

Na number di su:
Yiunan: Ramsey Clemencia
y pareha
Edgar Clemencia y pareha
Nieto- y nietanan,
bisanieto- y bisanietanan y
demas famianan.
Amigonan di ex-Caribbean
Hotel.

Un danki ta bai na “Cas
Marizul” pa nan cuido di e
ultimo 2 anja y mei y
na “Hospice Atardi” pa
nan cuido cu tanto amor
den su ultimo dianan

Acto di condolencia y
despedida cual lo tuma
lugar na Aurora Funeral
Home diamars 14 di
September 2021 di 2’or pa
4’or di atardi. Cremacion
lo tuma lugar despues.

Aurora

Royal Pray

Funeral Home & Crematory



“Dios ta amor..y amor ta Dios,maske mi no ta na e mundo aki, tur dia lo mi ta banda di boso Curazon, mi por stens di loke Señor ta hasi” Salmo 33

Sra Rosa L. Luydens

***19-01-1952 - †08-09-2021**

Na number di su:

Yiunan: †Douglas E. J. Tachi Leroy
yDiana Tachi

Nieta y Nietonan: Leeray Tachi
Roswin Tachi y Amanda Fabus
Joshua Tachi y parehaJoshwin
TachiMia Isabella Tachi

Bisanieto(a)nan: Neariah Tachi
Yuniti RuijterOwyn Tachi
Eden Tachi

Ta invita pa asisti na acto di
entiero cu lo tuma lugar diaranson
15 di September 2021 di 9’or pa
11’or di mainta na Aurora Funeral
Home. Despues lo sali pa santana
Pastoor Kraanwinkel na Paradera.



Laga tur locual cu ta spera mi ta bunita Laga tur locual cu mi encontra na caminda ta bunita Laga tur locual cu ta rondonami ta bunita Y laga esakinan termina den tur bunitesa

Cu inmenso tristeza na nos curazon,pero conforme cu boluntad di Dios, nos ta participa fayecimento inespera di señor Eduardo Francisco Pinedo

Mihor conoci como “Dadito”
of “Conde”

***9 aug 1941 – †7 sept 2021**

Acto di entiero lo wordo anuncia despues.



“Pasobra si nos a muri KunE, Nos lo biba tambe huntu KunE; 2 Timoteo 2 vs 11”

Nos ta anuncia
fayecimento di:

Isabel Arends-Perez
***03-01-1937 –**
†09-09-2021

Acto di entiero lo wordo
anuncia despues.



“Dios ta amor... y amor ta Dios, maske mi no ta na e mundo aki, tur dia lo mi ta banda di boso Curazon, mi por stens di loke Señor ta hasi” Salmo 33

Cu hopi tristesa nos ta
participa fayecimento di
nos ser stima:

Sr. Bolney Beltran
Paz

Cariñosamente
yama “Boliche”
***30-10-1970 - †11-**
09-2021

Acto di despedida lo
wordo anuncia despues



**Ki alegría,
ora nan a bisa
mi:
"Ban cas di
Señor!"
I awor, ata mi
aki para na bo
porta Señor.
Salmo 122**

**Sr. Theodoro Francisco Fingal
Cariñosamente yama "Dodo
of Papai"**

***17-03-1934 - †09-09-2021**

Casa: †Carmen Maria Fingal-
Boekhoudt

Yiunan: Lourdes y Ramiro
Figaroa-FingalVda. Rina zara-
Fingal

Mescos cu yiu: Greta y Hasette
Riley

Nieto(a)nan: Christopher Figaroa
y Angelique Simon

Kevin Zara y Xayenne Tromp
(Hulanda)

Cindy FigaroaTarita Riley y famia
Jason Riley y famia

Bisanieta stima: Anique Figaroa

Bisanieto stima: Kenzo Zara

Rumannan: †Juan y †Maria
Fingal-Vrolijk y famia

Mario y †Lucasia Fingal-Biesum y
famia

†Aida y †Josef Dubero-Fingal y
famia

†Everaldo y Theresita Fingal-
Loefstop y famia†Maria y †Wilfred
Esser-Fingal y famia

†Vicente y †Julieta Fingal-Dijkhoff
yfamiaEnrique (Jerry) Fingal y
Lica Henriquez y famia

†Eusebio (Bito) Fingal y famia
Aura y †Emilio Schwengle-Fingal y
famia

Sua y cuñanan: Vda. Andrea
Croes-Boekhoudt y famia

†Felicia Boekhoudt

Vda. Nica Felician-
Boekhoudtyfamia

Vda. Theresita Croes-Boekhoudt y
fammiaRafael y Lena Boekhoudt-

Donata y famiaVda. Deta

Boekhoudt-Maduro y famiaTur
sobrino(a)nan, ihanan, comer y
compernan

Demas famianan: Fingal,
Krozendijk, Boekhoudt, Figaroa,
Zara, Riley, Simon, Tromp.

Biesum, Dubero, Loefstop, Esser,
Dijkhoff, Henriquez, Schwengle,
Lampe, Sprok, Croes, Felician,
Donata, Maduro, Vrolijk, Bareño

**Ta invita pa acto di entierro cual
lo tuma lugar na Aurora Funeral
Home diamars 14 di September
2021 di 9'or pa 11'or di mainta.**

**Despues lo sali pa Santana
Central Sabana Basora.**

**Disculpa nos si den nos tristesa
nos por a lubida algun famia of
conocer.**

Aurora

Royal Pray

Funeral Home & Crematory

**Laga tur loke ta spera mi ta
bunita**



**Laga tur locual cu
mi encontra na
caminda ta bunita
Laga tur locual cu
mi laga atras keda
bunita y
Laga esakinan
termina den tur
buniteza.
Cado Wever**

**John Roland Every
Cariñosamente yama "Bobby"
*30 mei 1940 - †10 september
2021**

Esposa: Rita Every-Dorrestijn

Yiunan / nietonan:

Carmen-Louise y Cliff Degel-Every
Ashley y John

BrittanyChristenJohn-Henry y
Charlene Every-RodriguezMichael-
JohnTylerNicholas

Jo-ann y Marcel Solagnier-
EveryKaylaNathan

Rumannan:

Carmen-Louise Gadella-Every
y famiaDederick, Annie Every-
Heijden y famiaErrol Every y famia

Patricia Every-Wong y famia

Ida-Lee Downey-Every y famia

Brenda Every y famia

Frederic, Teresa Every-Briceño

Bonilla y famia

Bernadetta Every y famia

Raymond y Verouschka Every-

Kock y famia**Prima:**

Cecilia Frigerio-Jacobs y famia

**Ta invita pa acto di condolencia
y despedida cual lo tuma lugar
na Misa San Francisco na Playa
diaranson 15 di September 2021 di
9'or pa 11'or di mainta. Cremacion
lo tuma lugar despues den seno
familiar.**

**Enbes di flor of krans lo nos desea
pa hasi un donacion pa Fundacion
Ban Uni Man Pa Cria**

**Nos Muchanan. Por hasi esaki
na e siguiente banco nan: CMB #
225.89.501, AB # 251.629.0190 of
RBC # 43.65.011**

**Despues di despedida nos no por
ricibi bishita di condolencia na cas,
nos disculpa pa esaki.**



**"Señor ta mi wardador, mi no tin falta di nada;
Den cunucu di yerba berde e ta pone mi sosega.
E ta hiba mi na awa trankil,
Pa mi bolbe haña Forza"**

Cu profundo tristesa na nos
curason,
pero conforme cu Dios su
boluntad
nos ta anuncia fayecemento
inespera di nos querido
Casa, Tata, Welo, Omo:

**Maximo Werleman
Mihor conosi como MAX
*26- Febr -1948
+ 07- Sept- 2021**

Na number di su:

Mama:+ Fransi Werleman

Tata: + Wilfrido Tesillo Coronado

Casa stima:Irena Werleman-

GirónYiunan:Noraima

"Milangela" Werleman

Jessica "Ivania" Maduro

-Werleman & Maikel

Carlos "Carlito" Werleman

Nietonan:son Maduro

Jayden MaduroJayven Maduro

Rumanan: +Minguel Werleman y

famiaSandra Loefstok- Wolter y

famiaAdriana Elizabeth Wolter y

famiaJulito Wolter y famia

Orlando Wolter y famia

Editha Lake- Wolter y famia

Astrid Ruthmilda Ridderstap y

famiaKaren Ridderstap y famia

Genoveva Maria Coronado y

famia+ Ilba Cristina Coronado

Lucia Margarita Coronado

Manera Ruman: Servito Thijzen

& Edwin Thijzen

Swanan y cuñanan: +Selva

&Walter Escalona - Girón y

famia+Dominga Margarita Girón

Maria Girón y famia

Jose & Mary Girón - van

derBiezen y famiaJuan &

Madeleine Girón - Kelkboom

y famiaAngel & Ines Girón -

Molina y famiaPilar & Nicolaas

Rasmijn -GirónGloria Tromp y

famia

Ta pidi nos disculpa pa si den
nos tristeza
nos por a lubida un of otro
Famia.

Despues di eniero nos no lo ricibi
bishita di condolencia na cas.

CORSOU

Minister Larmonie a akclará:

Gabinete Pisas a sinta haña portal di sosten será!

WILLEMSTAD - Porfin un gobernante a sali papia e kos manera ta: Masha dia kantidat di hende sea individual of ku pida negoshi ku tabata stèns ku nan lo haña sosten finansiero a kere ku esei lo sosode a keda desepshoná siendo ku tur hende a tende Sekretario di Estado Knops bisa ku e ‘...plaka a bin abou .’ pero ningun hende a mira ni un sèn pretu. Awor ta resultá ku mannan misterioso den e gabinete PAR/MAN a será e portal via kual hende por a pidi sosten i manera Minister Larmonie a informá, manera kaba ku restrukturashon dje sistema por kuminsa paga sosten di yuli te ku september.

Awor lo bai duna/haña e di dos parti pa fin di september i hendenan ku a hasi petishon for di mei lo haña pago. Es ku ta avalancha di rieu di reklamo tabatin i tin ku e plaka no ta yega pasobra portal no a habri. Lugar ta MEO tin ku duna Ministerio di Finansa outorisashon pa habri portal.

Peroproméku esei mester atrahariba e kondishonnan ku Hulanda a pone pasobra nan a pone kondishon pisá pa bolbe duna fianza i mester kumpli sino Hulanda no ta manda plaka. Y den tal kaso Kòrsou lo asfiksiá ekonomiko i finansieramente.

Pasobra pa plaka bin abou, Kòrsou mester traha riba medida ku Hulanda a impone pa haña di 7 tranche maske tin resistensia grandi kontra di esaki, esta, e medidanan ku mester tuma. E Minister a splika tambe ku e aña aki e loke Hulanda a haña na plaka ta 72 mion florin so i despues 95 pero aña pasá kasi mil mion ku gobiernu a gasta komplementamente sin ku por mira na kiko konstruktivo e plaka aki a bai sin sobra sèn pa inverti den proyektonan nesesario i produktivo. Esei ta pone ku kada bes mester keda pidi sosten finansiero ku tur konsekuensia ku esaki tin pa nos struktura komo pais.

I tabatin e problema di hendenan ku a hasi maluso di e struktura i a kometé chanchuyo ku a pone ku mester a revisa e sistema. Tin reklamo ku gobiernu no ke bisa a kua empresa a kometé froude perhudikando hopi empresa i empresario di buena fe den sentido ku nan a aktua honestamente pero a bria viktima di mal akto di otronan.

SBAB i SOAB ta riba e asunto aki pa pidi kuenta i rason.

Ku esei a akclará tambe ku no ta pa motibu ku tabatin komersiante k a hasi mal uso dje sistema di sosten ku mester a revisa tur e programa sino ku mester a revisa e struktura pasobra a tuma desishon den Pandemia i no tabatin likides. E Minister a priminti ku esunnan ku a hasi maluso lo haña e kuenta presenta pasobra ta netamente sèn di fianza p’esnan ku masa mester a kometé chanchuyo.



Tambe e Minister a referi ne hecho ku tin hopi gritu pa Kòrsou no bai rudia mas pa Hulanda sino pa eksplora otro alternativa pa haña yudansa i sosten i pa no asepta e yudansa bou dje kondishonnan manera sierto konosedónan di materia a sugeri siman pasá i rechasá e kondishonnan di Hulanda. Tur esei ta zona masha bunita i machu pero for di prinsipio a bisa ku ta bai renegosha loke tabatin riba mesa i a logra kasi tur kambio. Pero si Hulanda no bai di akuerdo pa laga Raad van State revisa e lei ku ta regla e sosten, Kòrsou no ta haña mas sosten i tin ku kuminsa paga e debe bek mesora.

Señora Larmonie a splika tambe ku su partido Nashonal ta kere ku mester para riba nos pia, pero e realidat ta ku ora nos para riba nos pia esei ta nifika ku tur e hendenan ku ta risibi tur tipo di sosten i tur empleado di gobiernu lo keda sin pobresa pasobra kaha di plaka di gobiernu ta bashí.

Gobiernu a trese alternativa dilanti pero nan ta tuma tempu i nos a den situashon ku ta kita pan for di boka di hende i e komo persona ku ta kere ku no mester bende dignidat pa sèn e minister tin realidat su dilanti i esei ta pa komo gobernante no kita pan for di boka di pueblo. Komo mandatario mester keda kumpli ku pakete di pais pa logra e meta i ta bon pa tira bista den pasado kaminda nos a drenta 101010 praktikamente sin debe pasobra Hulanda a perdona nan tur pero ata nos 10 aña mas leu i nos ra realmente mes leu ku na 101010.

Nos komo pais tin algu definitivamente ta hasi robes i ta p’esei no mester bisa kwestion di no bai riba rudia. Por lo pronto nos tin ku bai na rudia e mandatario i lider politiko nashonalista a splika.

Hues a dikta ayera:

titulos Matrimonio entre pareha di mesun sekso mes- ter bira legal na Kòrsou

WILLEMSTAD - Dos muhé representando fundashon Human Rights Caribbean Foundation a kontrata abogadonan Wever i Murray pa demandá gobiernu di Kòrsou pa eksigi trato igual ku parehanan heteroseksual, pasobra diskriminashon di personanan homoseksual ta violashon di artikulo di Konstitushon, sigur si no tin un alternativa legal igual. Abogadonan Bonapart i Tweekboom a representá gobiernu.

E fundashon a pidi Korte pa deklará e artikulo di Kodigo Sivil ku un matrimonio por konsisti solamente entre un homber i un muhé, ta entre otro: Violashon di Konstitushon di Kòrsou: Statut di Reino, artikulo 12 di Tratado Europeo pa Derecho Humano i Libertatnan fundamental: Varios artikulo di Tratado Internashonal pa derecho sivil i politiko (IVBPR).

Ta pidi pa Hues dekretá ku gobiernu di Kòrsou ta aktua ilegal kontra e dos muhernan ku a demanda gobiernu i ku e frase ‘un homber i un muhé’ no tin balor pa Konstitushon di manera ku mester kambia tur lei i regla di tal manera ku dos persona sea un homber i un muhé, un homber ku un homber of un muhé ku un muhé, por kasa ku otro.

Dekretaku e dos muhé nan akudina Kòrsou ku intenshon di kasa ku otro, basta nan kumpli ku regla formal, e amtenar mester traha e akta di lisensia di matrimonio i kasa nan pa lei.

REGISTRA KOMO PARTNER

Si no ta obligashon pa habri oportunidat p’e pareha kasa, gobiernu ta aktua inhustamente kontra e pareha si no ofresé nan un alternativa den forma di un

partnership registrá of un otro areglo legal ku ta satisfase ku e obligashon positivo ku gobiernu tin pasobra gobiernu lo ta aktua ilegalmente kontra e dos muhé nan.

DEFENSA DI GOBIERNU

Diakuerdokudemandadi undjemiembronan dje fundashon, nan meta ta pa sali pa derecho igual i trato igual di hendenan kendenan sin importante nan orientashon seksual, por kuminsa kaso legal pa logra nan meta.

E dos miembronan dje fundashon ta femenino i ta konkubina pa 10 aña kaba. Nan ke kasa pero Kodigo Sivil di Kòrsou no konosé kasamentu entre dos hende dje mesun sekso, solamente matrimonio entre homber i muhé.

E dos muhé nan ta haña esaki inhustu ku lei ta eksklui parehanan dje mesun sekso di e posibiidat pa kasa i ni sikeira ta ofresé e posibilidat pa nan forma pareha registrá.

E regla aki segun nan, ta den violashon di tur sorto di areglo di derecho humano i ta diskriminatorio.

Abogadonan di gobiernu a refutá ku gobiernu ta praktiká diferensia inaseptabel.

Segun nan, e dos muhé nan no por eksigi pa kasa nan i gobiernu no tin obligashon pa introdusi un sistema di konkubinato registrá. I segun e abogadonan di gobiernu, hendenan dje mesun sekso ku tin un relashon duradero por regla e konsekuensianan legal i finansiero sufisientemente ku reglanan legal ku tin disponibel kaba por ehempel si nan ke traha un testament.

Scientists have found out how much a person can live

(ORDO NEWS) —

For centuries, people have wondered how long a person can live. To date, Jeanne Calment from France, who lived to the age of 122, is still considered the record holder. But the average person can only expect to be 80 years old.

It is reported by Public health information (CDC).

It is not very difficult to calculate the average life expectancy, but to understand what the maximum can be is more problematic. Previous studies have shown that a person can well live up to 140 years. Some time ago, experts began to say that the limit to which the human body is capable is almost 150 years.

Most experts use the Gompertz function to perform their calculations. It is based on the theory that the death rate of people as a result of various diseases is increasing exponentially

In a more understandable language, then every 8-9 years the risk of death as a result of heart pathologies, infections, and oncology doubles. Today, scientists have managed to calculate that life expectancy can reach 150 years. For this, a special computer model was used.



To obtain results and create a new model, the experts took blood samples from over 70 thousand volunteers, whose age did not exceed 85 years. They determined the presence of short-term changes in blood cells. After that, the data obtained were reduced to one parameter, which was called the indicator of the state of dynamic organisms.

Such modeling made it possible to assume that absolutely all people are capable of living up to 150 years. In this case, the state of health or genetic factors does not play any role

@robinsnewswire



A large majority of likely U.S. voters say President Joe Biden does not hold "the constitutional authority to force private businesses to require vaccine mandates for employees," according to a poll released Monday.

@GDNonline



A man fined BD50 for assaulting his wife, sister-in-law and mother-in-law after accusing them of debauchery has lost his final appeal



@poder_s



#PoderNoticiasRadiosa
Aterriza el primer vuelo comercial en #Kabul tras el regreso del #Talibán.





AWEMainta

E unico corant GRATIS



Abona awo

Manda un e-mail na:

Noticia@awemainta.com

y skirbi e palabranan: *"Ami Kier Abona"*

Like nos riba facebook

Keda "up to date" y like nos riba facebook
www.facebook.com/awemainta



Subi riba nos website

www.awemainta.com

AWEMainta completamente

DIGITAL